

宜章縣志 第二十九卷

古蹟志 八景 巖岫 亭 樓 塔 營堡 金石

古蹟之爲世重也蓋以摠懷舊之蓄念發思古之幽情觀其金石刻畫鐘鼎款識可以知文章之流別識時代之變遷考紳士之沿革證傳聞之訛誤而文人之遊覽題詠猶餘事也宜章縉轂楚粵自昔踰嶺南行者履縣境率車不停驂以故唐宋韓蘇二公過郴有故蹟留傳我縣無聞焉置縣既晚金石之留傳者極渺縣人復鮮好事者藻繪山川鋪張景物以故景雖奇而名不著然地雖僻處南服而古蹟之瑰奇實有足稱者舊志古蹟一門拉雜褻積語無倫次茲分別詮擇首八景次巖岫次亭次樓次塔次營堡次金石凡題詠詩文附焉

宜章縣志 廿九卷 古蹟志

八景

黃岑疊翠

黃岑山高二十九里自曲尺嶺而登古松夾道炎夏忘暑上下皆有石亭以憩行人山當雨後新翠欲滴

爲八景之一山脈已詳山志山中有白蟻廟已詳祠志志廟前古杉一株高十餘丈其大七人合抱八尺

以上歧爲兩幹亭亭直上盤空擎雲旁枝蚴蟻藝之香逾旃檀其壽在千年以上殆唐前物也神人呵護

莫敢剪伐相傳本有兩株高大相埒有聯令楊某欲取作棺卜於神神不許杯投直立楊令竟伐其一後

罷官歸載過洞庭湖舟覆於水楊令何名係何時人今不可考矣左有子杉九株皆七八尺圍亦數百

年物清參將王槐有詩碑在其下明鄧司徒序詠黃岑疊翠云衡嶽南來第一峯宜陽奇秀出山鍾巖薰

紅日層霄近翠滴蒼松瑞靄濃高比崑崙擎玉杵清如彭蠡蘸芙蓉誰能傳得壺公術縮地移將獻九重

白水垂虹

在縣西北五里寶雲山左已詳水志明鄧司徒詩云滄浪閒詠濯纓歌白水尋源景最多虹影穿雲蟠地

軸瓊花噴雪落大河飛流曉霽光涵月入澗春深翠  
染波浩浩終歸南海上亭神善養玉山禾

### 玉溪春漲

玉溪在縣城南已詳水志明鄧司徒詩云漁未垂綸  
釣未沉春濤雨漲拍溪深宜昆漫有乘桴意安道何

能泛刻尋石激雷鳴驚海龜雲消風定樂沙禽鄉賢  
書院臨溪上砥柱狂瀾聳碧岑

### 寶刹雲旛

在縣西七里寶雲寺寺久圯鄧司徒詩云叢林昔闢  
給孤園梵唄琅琅佛祖尊地金蓮雲入座天分旄

節翠凝旛濃陰黠淡旃檀藹清景飄飄寶帶繁今日  
神宮亦消歇獨留山月照松門

### 蒙洞泉香

地在城東半里蒙巖下泉清冷澄澈煮茗甚甘石上  
刻枕流濯纓四字無年月題款鄧司徒詩云石竇天

然一脈奔源泉混混豈人爲半林松影水清處二月  
桃花雨漲鳴禾黍生香農父喜澗田新水洞龍知詩  
成緩步仙臺路更愛西山翠展眉

### 良巖龍隱

地在城南一里水曰亭泉自巖底湧出其深不測水  
至澄澈羣魚如遊鏡中宋邑令吳鑑以兩巖兼重於

卦象良目爲良巖巖中有觀世音神龕香火極盛巖  
口一亭清同治二年邑令麻維緒製一聯道州何編

## 宜章縣志

廿九卷 古蹟志

二

修紹基書字以燒磁爲之髹漆黏板聯云洞有蟄龍  
兩派神淵作甘雨峯疑靈鷲千章古木化奇雲前有  
水榭亦麻令所建榭形如舟水流其下榭漸頽敗近  
年鹽局長某畧加修葺竟將梁上麻令修造原題改  
書渠名此與晉伯宗攘善何異巖石鏡刻頗多詳金  
石鄧司徒詠良巖龍隱云覆碗沉沉水不瀾黑雲漠  
漠老龍蟠海門一竅蓬壺近石窟千盤瑪瑙寒澗草  
翠瀾風乍斂巖花紅滬露初乾鬚翁早爲商霖起須  
念斯民稼穡難

### 榜山晴旭

在城南三里爲縣案山山石橫亘如榜故名詳山志  
鄧司徒詩云案山奇秀鬱蒼蒼樹榜名聞歲月長曠

谷日升開晚色崆峒雲歛動晴光懸崖苔護龍蛇宇  
峭壁花飄翰墨香記得登名黃榜日紫雲捧出殿東  
廊

### 普化晚鐘

普化寺在縣南一里詳宗教志寺有大鐘故以名景  
鄧司徒詩云禪關路入碧雲峯茅屋誰家急暮春天

外已歸珠樹鶴溪邊初聽梵樓鐘敲殘百八鯨音遠  
聲澆芙蓉花影重彷彿長安聞禁漏金門五夜月華

濃普化寺清末改學校詳見學校志原鐘詳後金石門

### 巖岫

### 蒙

#### 巖

在縣東一里枕柳山舊養正書院後巖嵌空玲瓏內有白石晶瑩如玉宋邑令吳鑑云上巖下泉蒙之象也因以名巖鄧司徒詩云路入仙宮半日留尋源渾似武陵遊鶴巢松老雲巖暖泉暗花香玉井幽芝草每依奇石秀靈禽時向茂林投爐烟縹緲南窗下閒借黃庭一枝讐石刻詳金石

### 老虎巖

在蒙巖後幽邃寬平中有清泉旁有二小洞

### 穿石巖

在縣東三十里地界樂昌巖石嵌空若門中有懸巖下臨深窟倚壁懸構僧房最上石厂架空中建佛堂梯險而上天然棟宇巖後古木盤鬱有小飛湧泉出

### 仙

#### 厂

在縣東三十餘里溪下發見不及百年故未載舊志巖口高不及丈寬數丈入口下行數百級石磴得平地廣十餘畝巖頂高十餘丈頂及左右皆石支木板

## 宜章縣志

廿九卷

古蹟上

三

為廟宇口外日光斜射光明無異室中神初無名土人以意呼之素著靈異春祈秋報士女絡繹自神龕後下行數百步即黑暗遊必以炬約半里得一潭寬畝餘深數尺頂有竅通山巔引風入巖行約數里達巖尻石壁開張如城闕高廣數十丈北為何家山有歐姓居民數十戶全巖結構甚奇石乳凝結成形成象形形色色惟妙惟肖山下有二泉流而成川巖中石液不中飲須行汲山下石液丁束作響清越可聽以器承之其寒震齒水中有骨如薄冰古人所謂石英鐘乳道家服食上藥也

### 砬頭巖

在縣東六十七里石洞高敞可容數百餘人壁鑿元至正十年臨武賊眾侵入村中劫掠居民歐日榮曰常日華曰泰等避居其內得免於難按字典無砬字俗蓋以砬作厂也省志作砬頭巖砬音疽爾雅土戴石為砬音義皆異

### 虎

#### 巖

在縣東北二十里鄧家灣南半里村人鄧典謨有詩絕之云百尺高崖石腹虛如困如榭復如廬不知宛轉玲瓏裏可有龍威世外書

良巖 見八景石刻詳金石

鞏巖 在縣南二里巖高敞可坐十餘人外即潢溪春漲水

坦巖 在縣南十五里蕉溪雙巖對峙中有流泉林木掩映

通巖 在縣南十五里成家村寬廣可容數百人為鄉民避

桂巖 在縣南五十里巖泉穹窿軒敞可容數百人巖前多

主善巖 在縣南七十里沙市冲尾巖前有古寺廢址石礎香

淳六年開山巖主明庵居士應圓所書石乳融結肖  
巖與木魚分懸左右側有石巷曲折幽深不知所底  
左巖有竅天光下射上有石樓高廣可丈餘相傳為  
顏發道士羽化處故俗又名道士巖右石門內有明  
嘉靖二十九年碑載檀越姓名銀數 按咸淳為宋  
度宗紀元明庵居士其宋人也

宜章縣志 廿九卷 古蹟志 四

坑逸岩 在縣南八十里芭羅堡東南山勢峻拔絕頂石徑坦

平峭壁合夾約里許一洞豁財豁開中有石坑其深  
莫測投以石則谷鳴雷震研哥良久不絕

鐘鼓岩 在縣西南五十餘里廖萊田獅子山山形肖獅故名

獅口內左鐘右鼓形聲畢肖故以名巖又有天然桌  
几杯箸等物巧逾人工下有清泉流自石罅滴瀝如  
貫珠可供千人飲昔人題詠多弗能辨

燕子巖 在縣南九十里芭羅堡西山勢峻從巖洞壑寬廣可容

百餘人中有石田石壘又如龍蟠鍾鼎之象皆肖上  
有小徑可通潭源洞莽山諸雅地

石堂巖 在縣西南七十里倚石巖腹宏坦如堂高廣丈餘循

石磴右轉一洞嵌空鐘乳倒垂巖頂峭削古木壽藤  
掩映糾纏右側別有洞紆折幽邃入漸深廣流泉清  
冷石狀離奇左有石堂庵

謙巖 在縣西南九十里黃沙堡本名仙巖康熙己巳縣令

蔣宗芝仿宋令吳鑑良蒙名巖之意取地中有山義  
改今名巖門如甕迤邐而下豁然軒廣頂開一竅透  
光內有螭頭盤結蜿蜒四壁石柱高擎瓔絡寶蓋石

樞蓮萼奇巧天成由右而上有石塔石鐘左有龍樓中含數石圓大而赤若驪珠遍地石紋如雲氣再進石門上書古龍門峽四大字題詠其夥皆鏽蝕難辨旁有小石門書秀山門內大書湛室二字由湛室大閣敞若宮殿屏帳儼然寬廣可容千餘人右有石潭深不可測從潭畔蟻緣而上佛像森列再進有洞門石室若聞數十人相對語時有片石飛出遊人至此裹足莫能窮其所止

### 石磳巖

在縣西南九十里水尾嵌空虛敞石乳下垂青碧異色玲瓏駁搜厥狀不一每年二月朔日鄉人相率往遊鑿取佳者以為珍玩燃炬循照石燦爛如明星閃爍炫目迂迴曲折竟日不能窮其所止前有觀音巖內供大士像

### 野石巖

在縣北十五里山麓巨石頽壓中露一罅高三尺餘蛇行仰入鼻與石摩上鐫野石鋪三字徑二尺三寸強無年月題名舊志作湖南帥潘疇書野石巖三字今巖字作鋪無姓名可考未知即潘疇否又旁有宋人三絕句詩曰夏夜渾如秋氣清夢回風露濕桃笙云云未題仲權二字屏餘未五月丙寅五字未字上

## 宜章縣志

### 廿九卷

古蹟志

五

闕後二首係滕瑱和詩有句云父考指詩懷舊尹未題紹熙辛亥六月又云讀仲權正字肇開詩因次韻並刻崖石以慰邑人去思不忘是仲權亦曾官斯土考案紹熙二年為辛亥上溯淳熙二年為丁未仲權始老宗時人舊志作吳鑑詩考吳鑑官宜章時亦在淳熙丙午丁未間仲權豈即其字耶舊志名宦傳未詳其字以為吳鑑未知何據風露作雨露誤三詩詳見古蹟以上嘉慶舊志云爾按光緒通志云舊通志謂朱子石鼓書院記稱部使者東陽潘侯時又直顯謨閣潘公墓志云公諱時字德鄰據墓志時先為荆湖南路提點刑獄公事後知潭州安撫湖南又稱其少喜學書得顏歐楷法此野石巖題字恐即潘時也金石補正云野石鋪三字無書人名舊以為潘疇書者傳聞不足據然亦非宋以後刻若出近人手則必作舍旁之鋪矣今按吳鑑字仲權見金石管鑑題名桃笙竹簟名方言簟宋魏之間謂之笙蓋以桃笙竹織者桃笙竹產四川見陳鼎竹譜

### 天然巖

在縣北二十五里章橋西勘背洞石洞闊朗寬容數百人中設神祠即名天然倚山臨溪景頗佳

亭樓塔

舊志載有御碑亭原在儒學西有敬一箴亭視聽言動四箴及心箴碑聖諭碑卧碑在內申明亭在縣門東旌善亭在縣門西迎春亭官詔亭雲留亭秀野亭同受亭快觀亭要好亭豐樂亭懋心亭在蒙巖側漱玉亭在蒙泉側聽泉亭在蒙巖上濯纓亭在蒙巖側攬秀亭在蒙巖前玉林樓在蒙巖側禱雨臺在良巖前講約臺在縣南十五里蕉溪共十九處久廢又覽翠樓在縣學南明正統十二年建仁化亭在縣東南建置時代不詳今皆不可考又按明鄧司徒東溪草堂在蒙巖前有晚翠樓清風閣濯纓亭覽秀榭遺址今亦無存茲照錄舊志并益以訪稿此皆

宜章縣志 廿九卷

古蹟志

六

點綴風景之建築物凡路亭編入交通志

洗心亭 在良巖前今無

嚮泉亭 在良巖上右側知縣唐鳴鐘建李光笈修清光緒間平江訓導縣人李澤泮復修刊懸出郭人事少在山

泉水清集句聯今亭存聯亡

鏡雲亭 在蒙巖左側前清養正書院山長鄧芝麟建今無

勿翦伐亭 在城北後隆山中豎參將王槐種樹碑嘉慶十九年邑紳公建今亭圯碑失址存

天生亭 在縣西三里璜溪巒石巖高三丈實非亭也上鑄天生亭三字拔貢吳國姓書字徑二尺許

水星樓 即東門月城樓久圯

魁星樓 有二其一在縣城後山久廢其一在文廟左側亦頽敗

占鰲塔 在縣東五里歐家代山乾隆十四年眾建台基二十一

年署知縣楊文植鳩眾建近年因築礮堡撤毀

文峯塔在縣南九十里黃沙堡北門洞中高五層嘉慶元年

南塔在黃沙堡城南椰子嶺今圯附載舊有文塔一名南塔在縣南二里榜山乾隆六十年知縣衛際際可徇

眾議折毀

長策塔在縣東九十里長策歐家老灣下關

凌雲塔在長策老屋村之東南隅光緒壬寅年歐陽氏閭族

塔山下塔在縣東八十里黃溪鄉寺山內前清時已折毀現存遺跡

麻田文峯塔在縣西南四十里麻田文風山清嘉慶時建原有二塔民國二十三年因建碉堡撤毀其一

洛閣文峯塔在縣西南四十二里洛閣鄧氏村東水口廟側按塔制起於西域傳入中國多建於佛寺內後率

藉以點綴烟景培護風龍故城鄉皆有之占鰲塔建築極精內有甬道作螺旋形盤旋而上可達塔頂拆毀殊可惜也

宜章縣志 廿九卷 古蹟志

營堡

召募堡在城內東北隅建置始於宋明成化八年都御史吳琛奏調茶陵衛後所官兵戍守宜章守禦所在縣城

即永成寨宋之召募堡也按地當在舊參將署其地今有福龍祠祠碑尚可依據

飛虎寨在縣城東建置年不詳舊志謂宋端平乙未縣令趙希逾以學宮夾於召募飛虎二寨間有礙絃誦乃遷

學於城外景星觀右端平為理宗純元飛虎寨建炎時始有寨建於建炎後可知今按其地當在北門內惟無遺跡可考

金石

宋管鑑題名在蒙巖山石鐫括蒼管鑑將使命自湘諭領以淳熙丙午登高於蒙巖臨川吳鑑二山陳英同來

湛淇洪尼七行行五字徑二寸五分強今按通志引金石補正云七行正書領古嶺字通志作諸吳鑑臨川人淳熙中知宜章縣嘗建學修城陸九淵為之記江西通志云鑑字仲權吳曾從弟崇仁入隆興元

年本待問榜進士知儀章縣召試除正字知武岡軍  
復以司封郎中召入對出為湖南轉運使彼此歧異  
恐是江西省志之誤今按仲權見前野石鋪石刻

**宋雷深兩次題名**

在蒙巖口石鑄廬山雷深自武陵郡待次蒙  
恩易憲東廣取道舊治淳熙丁未九月二十

九日凡七行行四字末行五字字徑二寸五分強又  
鑄廬山雷深淳熙丁未司憲東廣九月二十七日經

從義章紹熙壬子自番禺守趣口口口就除尚書郎  
口出守吳門次年冬奉祠歸長沙慶元丁卯除憲廣

西道中復改守番禺丁巳被詔赴闕復以九月二日  
同憲宰臨川鄒非熊再會蒙崑上感歲月之推移喜

溪山之如舊酌蒙泉拊羣玉徘徊久之凡十八行每  
行六字或七字字徑一寸強按省志引金石文跋

云考姑蘇守令表雷深以朝散大夫直煥章閣紹熙  
四年七月知蘇州九月主管建甯冲佑觀即題名所

云出守吳門來冬奉祠歸長沙事也

**野石鋪三大字仲權滕瑱詩刻已見前**

**宜章縣志**

**廿九卷**

古蹟志

八

**宋姚逸仲題名**

在蒙巖內右壁上鑄寶慶丁亥九月念一日  
江姚逸仲偕婿饒穎材男定叔來遊左行凡四

行行六字  
研胎縣

按寶慶係宋理宗紀元時江當即安徽

**宋趙希逾平寇刻石**

在蒙巖洞右磨巖上鑄紹定六年春正月  
湖南帥寶學侍郎余公傑聞宜章寇警檄

知郴縣兼幹辦公事趙希逾以十日乙卯領兵招捕  
癸酉追戮鄧李二酋斬首六百有奇俘五十釋戈請

降之人三千大犒師徒殺賊而東勒石仙館以志歲  
月凡九行字徑四寸強按通志作蒙巖露布余傑作

余傑郴州總志丙子舊志所載同實則平寇紀績之  
辭非露布體也傑作傑亦誤省志秩官無余傑宋陳

振孫直隸書錄解題載使燕錄一卷為尚書戶部郎  
龍游余傑景瞻撰或即其人端平中希逾曾任宜章

舊志有傳茲刻補知郴縣查郴志宋郴縣令無其名  
自紹定二年鄒寶後至寶祐三年始載趙興丞中間

二十五年皆闕希逾是否先任郴縣後調官章今不  
可考矣今按嘉慶通志云案余傑於端平二年十

二月同簽書樞密院事見宋史本紀又考宋宗室世  
系表希逾乃燕王德昭之後師克長子又金石補正



云志載余嶸爲安撫使此正其時又載趙希逾令宜  
章不及柳縣又云鄧李二酋寇警不見於史斬首至  
六百有奇何以史無一語抑侈張其功耶僊館當是  
景星觀在蒙巖之側道人所居也末句有小正書三  
行椎拓不清僅見丁卯秋字恐亦非近人所刻識之  
以俟再拓

主善巖石刻 已見前

白巖元鑄普陀大士像碑

文曰自有宇宙便有山川地形景物  
而勝盤谷以李愿勝東山以謝安石勝浯溪以元次  
山勝永州澹巖以黃山谷勝地勝景勝而高人勝士  
偶遇一顧山若增而高水若闢而深雖在遐州僻壤  
而名播古今矣夫宇宙無盡天理循環人居其間汚  
際興替雖山川鬼神不能違消息盈虛天之道也宜  
邑良巖境憩狐兔猿狖之所人無過而問焉者中有  
普陀大士像久爲石竇泉滴彫剝圯壞天曆己巳歲  
邑長振齋公到任首謁此山境與心會觀塑像之不  
堅圖爲久遠計於是謀改範金捐財率先邑人相與  
口口其旁列十八尊者龍王諸像並以銅爲之既而

宜章縣志 廿九卷

古蹟志

九

新牧長亭羅帖木兒又能繼公之善從而潤色加以  
純金飾之景象一新山川草木皆有矜色仍以口則  
置諸田產爲此巖水遠修奉之計慶成無何濟備充  
旱於茲祈禱一再感通應時澍雨邦人大悅振齋於  
此不惟發揮此巖景物之勝而又加惠此邑祈禱  
澤之利聲名惠澤垂之無窮一段蹤蹟是可書已庚  
蜀瑣尾僑居郴城自邑來者每翕翕稱譽撫字心勞  
百里蒙福而又以其餘力賁飾乎山川鬼神規模整  
暇不但施之一邑而已僕喜聞而樂道之於是乎書  
公名余金授承務卽爲縣達魯花赤兼勸農事振齋  
其曰號云前進士徐公邁記元統元年臘月吉日立  
儒學教諭李元奎書丹中順大夫郴州路總管府達  
魯花赤兼管內勸農事廉朵兒口班子篆蓋忠顯校  
尉郴州路宜章縣達魯花赤兼勸農事李羅帖木兒  
承仕郎郴州路宜章縣尉兼勸農事葛燕帖木兒將  
仕郎郴州路宜章縣主簿陳鵬飛典史劉煒立石  
巖石刻附錄 洞內鑄龍隱二大字徑八寸強旁鑄嘉靖土辰  
孟秋石門李尙文又巖口橫鐫長巖二大字徑  
一尺五寸隸書亭泉二字徑一尺相傳爲宋人書巖  
左壁橫鐫神奇二字徑一尺強下鐫鐺聲出古洞樹

影入清流十字徑九寸強巖左橫鑄行雲流水四大字徑一尺二寸下鑄逝者如斯四字徑二寸戊子冬月箕山熊祖謨題又直鑄天下第一泉五字徑四寸守備常遂齋題查官秩志官柳守備無常姓人又巖頂直鑄最高峯三字徑五寸下鑄靈鷲飛來四字徑二寸五分李萼書橫鑄松風雲影四字下鑄姑蘇蔣勝莫均無時代可考

蒙巖石刻

石壁隸書序云至正戊子二月朔借憲掾戴仲治奏差劉右卿祝釐來遊時山桃爛漫烟雨冥濛恍隔塵世汲泉煮茗清詣移時為賦菩薩蠻一闕云蒙厓幾日桃花雨依稀流水章橋去只恐到天台誤通劉阮來玉堂開綺戶不隔塵寰路休認避秦人壺中別有春未鐫通議大夫憲僉僕世玉題方廣一尺五寸凡十三行又巖口橫鑄天巧二大字徑一尺強紫山道人書洞內右壁橫鑄山靜泉清四字徑三寸丑重九日漢陽熊祖謨題均無時代可考今按蒙泉下大黃岑水去章橋遠語誤僕世玉當係蒙古人元有僕列篋

宜章縣志

廿九卷

古蹟志

十

題覽

軒碑丙子舊志明都御史秦金和尚書鄧庠入景詩留題所鐫後失其碑乾隆庚午年大水三星橋圯石工出之亂石中毀其數行

新峯寺唐鐘

在縣西五十五里回龍廟鐘高三尺強口徑二尺強字多鏽蝕惟宜章縣永福鄉七都地名新峯寺眾信奉敬鐘一口風調雨順國泰民安景福二年癸丑歲吉日立諸字可辨按景福係唐昭宗紀元

新峯寺元鐘

在縣南五十里靈龍山寺中鐘高五尺強口徑三尺強銘文漫漶惟大德九年及僧嗣方字可辨寧鄉舉人黃本騏有詩云偶憇新峯寺蒼嵐踏幾重心幘盤野鶴荒澗浴靈龍佛座塵樓帳僧歸初掛松鏞斑銘不辨大德九年鐘按大德為元成宗紀元

鎮興廟飛來鐘

在黃沙堡城內鎮興廟相傳明成化時飛來懸中鐘高三尺強口徑一尺九寸上鑄南雄州保昌縣上朔團謝行可全妻劉四娘男楫格等故父存日建安遠院鐘樓一座鐘一口其鐘今口行可今備錢鑄造伏乞國泰民安次乞父健母譚宋生娘兄善通遠

魂牛天住持僧志逢化緣行者周實精勤緣謝公信  
辛思謂匠人譚富等工夫未鐫歲次宣和五年癸卯  
十二月日謝行可題辛添奉口乞亡父母超昇等字  
至今音嚮宏亮頗異凡鐘 按宣和爲宋徽宗紀元  
保昌係廣東南雄州首縣距我縣縣境數百里飛來  
之說亦可怪也

### 普化寺元鐘

前後殿各一後殿鐘高二尺一寸強口徑一尺八寸上錫郴州路宜章縣長寧鄉十五都儒厚村龍

興山廣厚堂鐘記本堂新立圓成端爲祝延聖壽今鑄洪鐘一口晨昏仰答元辰荷極恩以施財特列名而表白此世來生常逢佛會者未鑄戊辰致和元年七月日立奉香火梁覺證題後錫檀越姓各銀數前殿鐘高二尺大寸口徑二尺一寸上錫郴州路宜章縣永福鄉八都長壽寺開山前任持僧廣信同徒弟開山化緣僧普正施財建寺檀越何萬傳室人李氏等施財鑄送大佛寶殿洪鐘一口永鎮山門上祝皇帝萬歲聖壽無疆風調雨順國泰民安口口何萬傳夫妻壽算增延子孫榮貴口口庇僧廣信同化緣僧普正袈裟堅固法派興崇者末錫元統二年九月初任持僧廣信任持僧普正普光徒弟僧資大資用中統

## 宜章縣志

### 廿九卷

古蹟志

十一

鈔大定云云鐘聲清遠普化晚鐘爲八景之一寺後收築學校二鐘無存其一爲城內文昌閣前閱兵樓警鐘其一爲考棚小學校食堂鐘 按致和爲元秦定帝紀元元統爲元順帝紀元梁覺證是否縣人不  
可考

### 神仙祠明鐘

在縣東北二十里鄧家灣側神仙祠鐘高二尺口徑尺餘上鑄明弘治二年六月并善信姓名

論曰夫湯盤孔鼎岐陽石鼓岱山鄒嶧會稽之刻石與漢魏

以來之桓碑彝器豈惟以古見珍哉蓋有裨於文獻也縣中

鄭忠肅鄧司徒高侍御黃提學諸公墓碑道路橋亭碑記各

寺廟碑碣鐘鼎尙多可紀未能悉行採錄近年修築汽車路

沿途橋亭路碑悉毀光緒時縣紳鄧典謨吳楚雲李觀承等

稟定田賦徵收碑知縣劉公曦去思碑之暨立縣署者近年

被取以砌階覆溝磨滅不可復考惜已

宜章縣志

廿九卷

古蹟志

十二